



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. I. Præmittuntur quæ apud omnes sunt certa,

[urn:nbn:de:hbz:466:1-77232](#)

DE CAVSALITATE SCIENTIÆ DEI.

209

tes præteritas , & futuras , ut præsentes in æternitate , quæ est mensura divina cognitionis , & in illa , ut jam diximus , simul exstant infinitæ cogitationes & affectiones , quas Angeli & beati eliciunt per totam æternitatem , sequitur . Deum cognoscere infinita , non solum per scientiam simplicis intelligentiæ , sed etiam per scientiam visionis .

॥ ॥ ॥ ॥ ॥ ॥ ॥ ॥ ॥ ॥

DISPV TATIO III.

*De causalitate Divinæ scientiæ respectu
creaturarum.*

Explícatis his qua pertinent ad existentiam , quidditatem , unitatem , & perfectionem divinæ scientiæ , modumque quod creaturas in effectu divina tanquam in causa , & medio cognito attingit , conseqüens est , ut ea quæ eis effaciānt & causalitatē spēciant , declarēmus , & quatuor celebres difficultates , quæ hīc agitant folent , breviter refolvamus . Prima est , an scientia Dei sit causa rerum , non solum directiva , sed etiam effectiva ? Secunda , cuinam scientiæ talis causalitas & efficientia competat ? An ei quæ dicitur simplicis intelligentiæ , vel illi quæ visionis nuncupatur ? Tertia , an ideo res sint futuræ , quia sciuntur à Deo , vel è contra ideo ab illo sciuntur , quia futuræ sunt ? Quarta , an detur in Deo aliqua potentia executiva , virtualiter ab eis intellectu , & voluntate distincta ?

ARTICVLVS I.

*An scientia in Deo sit causa rerum , non solum
directiva , sed etiam effectiva ?*

§. I.

Premittuntur qua apud omnes sunt certa.

1. **S**uppono primò tanquam certum secundum fidem , Deum per intellectum & voluntatem producere creaturas , ac proinde ejus scientiam omnium rerum cauam existere , saltem directivam . Quam veritatem ex multis sacra Scriptura testimonij probant Recentiores . Nobis sufficiet illud Psalmi 103. *Omnia in sapientia fecisti . Item Psalmi 135. Qui fecit cœlos in intellectu . Et ad Ephesios 1. Qui operatur omnia secundum consilium voluntatis sua .* Unde Dionysius cap . 7. de divin . nom . *Scientia divina omnium est artifex , & semper omnia componit , estque causa indissolubilis coherentie , & ordinis omnium , finisque priorum , cum sequentium principiis semper concretit , & unam universi conspirationem , concutunque pulcherrimum efficit .*

2. **P**robatur secundò eadem suppositio , ratione tractatu primo deducata , demonstrando existentiam & intellectualitatem Dei . Agens primum ordinare debet & dirigere res universi , ut ibidem demonstravimus : Sed hoc non potest , nisi per scientiam , & sapientiam , sapientis enim est ordinare : Ergo scientia in Deo est causa rerum , saltem directiva .

Præterea ut docet D. Thomas hīc art . 8. scientia Dei respectu creaturarum , se habet sicut scientia artificis respectu artificiorum : At hæc est causa operis , saltem directiva : Ergo & scientia Dei .

3. Eandem veritatem demonstrat idem S. Doctor Tom. I.

1. contra Gentes cap . 23. novem rationibus , quarum hac præcipua est . Perfectissimo agenti attribui debet perfectissimus modus operandi : Sed ille modus est operari per scientiam & voluntatem , agens enim naturale , non agit cum dominio suorum actuum , sicut agens intellectuale ; nec ejus virtus se extendit ad plures effectus specie diversos , sed determinatur ad unum ; ex quo fit quod naturalia uniformiter , & uno modo semper eveniant : Ergo Deus cum scientia & libertate ad extra operatur , subindeque ejus scientia , directivè saltem , ad productionem rerum concurrit .

Confirmatur : Agens naturale debet ab alio dirigi , ut finem attingat , quem non cognoscit : sicut sagitta , ut attingat scopum debet dirigiri à sagittario : agens vero intellectuale , scipsum dirigit , & sibi præstituit determinatum finem : Ergo modus agendi agentis intellectualis , perfectior est modo agendi agentis naturalis .

Hoc præsupposito , inquirimus , an præter vim illam directivam , quam omnes attribuunt divinæ scientiæ , vera & propria causalitas , & efficientia respectu creaturarum , illi conveniat quod ut plenius innotebeat .

CSuppono secundò quod ad formationem artificiati , scientia , voluntas , & vis executiva concurrent : scientia dirigendo , voluntas movendo , vis executiva exequendo : quod in artifice creato conspicitur , qui si domum verbi gratiæ est edificaturus , priùs scientia præconstituit finem , quem voluntas appetit : mox intellectus consultus de mediis , & domis fabricanda meditatur naturam ; voluntas eligit media præconspiciat , & moveat intellectum ut imperet : ad imperium sequitur vis activa , applicatis vim executivam ad opus , ac denique sequitur executio . Quæ omnia à creato artifice , per distinctos actus & potentias fiunt .

Quærimus ergo , an scientia Dei practica , non solum , directivum præstet concursum , in productione creaturarum , regulando opus , ostendendo finem , & modum illas producendi ; sed etiam efficienter in illas influat , vel applicando potentiam executivam ad opus , vel immediatè imperando earum productionem ?

Partem negativam tenent plures Recentiores extra Scholam D. Thoma , qui divinæ scientiæ attribuunt solam vim directivam in productione creaturarum ; earum vero efficientiam , volunt immediatè procedere , vel à voluntate Dei , vel ab aliqua potentia executiva , virtualiter ab ejus intellectu , & voluntate distincta . Thomista vero & plures alij docent scientiam non solum dirigere Deum in productione creaturarum , sed etiam imperare , & exequi immediatè earum productionem , per actum imperij formaliter immaterialiter , & virtualiter transeunte , quod ad eas immediatè dirigitur : unde nullam aliam potentiam executivam in Deo agnoscunt , quam ejus intellectum practicum , ut constabit ex dicendis articulo quarto .

§. II.

*Hec sententia ut verior & probabilior
eligitur.*

Dico igitur : Scientiam in Deo esse causam rerum , non solum directivam , sed etiam effectivam .

Probatur primò ex Scriptura , dicitur enim

Dd

7.